

<b>PWYLLGOR</b>	<b>PWYLLGOR TRWYDDEDU CYFFREDINOL</b>
<b>DYDDIAD:</b>	<b>24 Hydref 2022</b>
<b>TEITL:</b>	<b>Adolygiad o Ffioedd Trwyddedu Sefydliadau Rhyw</b>
<b>PWRPAS:</b>	<b>CYMERADWYO FFFIOEDD AR GYFER TRWYDDEDU A RHEOLEIDDIO SEFYDLIADAU RHYW</b>
<b>AWDUR:</b>	<b>PENNAETH YR ADRAN AMGYLCHEDD</b>

## 1. GWYBODAETH GEFNDIROL

- 1.1 Mae'n ofynnol i awdurdodau trwyddedu sy'n dymuno rheoleiddio sefydliadau rhyw yn eu hardal fabwysiadu darpariaethau Atodlen 3 o Ddeddf Llywodraeth Leol (Darpariaethau Amrywiol) 1982 ("Deddf 1982"), fel y'i diwygiwyd gan Ddeddf Troseddu a Phlisma 2009 ("Deddf 2009").
- 1.2 Mae mabwysiadu Atodlen 3 o Ddeddf 1982 yn ddewisol, ac mae'n digwydd fel arfer pan gyflwynir hysbysiad o fwriad i agor busnes o'r fath am y tro cyntaf. Bydd y Pwyllgor yn ymwybodol, yn dilyn proses ymgynghori, a phenderfyniad y Cyngor Llawn ym mis Hydref 2021; bod y darpariaethau hyn wedi'u mabwysiadu gan y pwyllgor hwn ac wedi dod yn weithredol ar 6 Rhagfyr 2021.
- 1.3 Mabwysiadwyd polisi a threfn drwyddedu ar gyfer y sir gyfan; sy'n caniatáu i'r cyngor godi ffi am drwyddedau sefydliad rhyw. Mae ffioedd trwyddedu yn cael eu hadolygu'n flynyddol; a rhaid i'r ffi fod yn ddigon i alluogi i'r Cyngor adennill y costau.
- 1.4 Dirprwywyd y grym i osod ffioedd a diwygio amodau trwydded gan y cyngor llawn i'r Pwyllgor hwn ar y 7fed o Hydref 2021.
- 1.5 Rhaid i ffioedd fod yn rhesymol ac yn gymesur â chost y prosesau trwyddedu, sy'n cynnwys gweinyddu, yn ogystal â chynnal arolygiadau cydymffurfio. Ni ellir defnyddio ffioedd i wneud elw na gweithredu fel rhwystr economaidd i atal rhai mathau o fusnesau rhag gweithredu yn yr ardal. Mae'r egwyddorion sy'n llywodraethu pennu ffioedd ar gyfer trwyddedau a brosesir wedi'u nodi mewn deddfwriaeth a chanllawiau fel a ganlyn-
- Y Gyfarwydddeb Gwasanaethau Ewropeaidd (Erthygl 12.2)
  - Canllaw i Awdurdodau Lleol ar Reoliadau Darpariaeth Gwasanaethau 2009
  - Cyfraith Achos- Hemmings -v- Westminster City Council
- 1.6 Cymeradwywyd ffi ar gyfer trwyddedu siopau rhyw yn benodol ar yr adeg y daeth y drefn drwyddedu yn weithredol ar y 6ed o Ragfyr 2021. Fodd bynnag, mae ymarferiad costau pellach wedi'i gynnal ar gais am drwydded siop ryw; sydd wedi rhoi cyfle i'r gwasanaeth ystyried y gwir gostau yn hytrach na'r amcan gostau neu gostau dybiedig. Mae ffi wedi'i chyfrifo wedyn ar gyfer prosesu a gweinyddu trwydded eiddo adloniant rhywiol hefyd. Bydd yr holl ffioedd yn cael eu hadolygu'n flynyddol a'u diwygio yn ôl yr angen er mwyn adlewyrchu'r gwir gostau i'r Cyngor. Nid oes gan y sir unrhyw sefydliadau o'r fath. Mae trwyddedau eiddo adloniant rhywiol yn parhau i fod yn weithredol am 12 mis.
- 1.7 Gan nad oes ffi o'r fath wedi'i mabwysiadu a'i chymeradwyo o'r blaen ar gyfer eiddo adloniant rhywiol; mae'r costau i'r cyngor o roi'r broses drwyddedu ar waith wedi'u cyfrifo ac mae'r ffioedd arfaethedig fel a ganlyn-

TRWYDDED	FFI
Eiddo adloniant rhywiol – cais newydd	£2,109
Eiddo adloniant rhywiol – cais adnewyddu	£2,109
Trwydded siop rhyw – cais newydd	£1,184
Trwydded siop rhyw – cais adnewyddu	£1,184

## 2. Lefelau ffioedd cymharol – Awdurdodau eraill

- 2.1 Oherwydd fod disgwyl i bob Awdurdod Trwyddedu bennu lefel ffioedd yn unol a'r hyn sy'n briodol i sicrhau adennill costau ; mae ffioedd pob awdurdod trwyddedu yn wahanol; ac ni ddylid defnyddio ffioedd cymharol awdurdodau eraill fel sail pennu ffi. Mae gwir gostau yn amrywio o sir i sir, oherwydd nifer o ffactorau - ond er pwrpas rhoi syniad cyffredinol , mae ffioedd trwydded sefydliadau rhyw yn amrywio rhwng £989 am drwydded yn Sir Fflint, £1655 yng Nghonwy a £6,250 yn sir Ddinbych.

## 3. ARGYMHELLIAD

Bod y Pwyllgor yn:

- Cymeradwyo gosod lefel y ffioedd fel y nodir, sy'n adlewyrchu gweinyddu ac asesu cydymffurfiaeth a phrosesu ceisiadau am drwyddedau sefydliadau rhyw,
- cymeradwyo adolygiad blynyddol o'r ffioedd hynny.